



ქალაქ თბილისის მუნიციპალიტეტის საკრებულო



ბ ა ნ კ ა რ ბ უ ლ ე ბ ა № 494

“ 20 ” ოქტომბერი 2023 წ

ქ. თბილისი

ქალაქ თბილისში, არჩილ მეფის №17-ში, №01.10.08.006.230 საკადასტრო კოდით რეგისტრირებულ უძრავ ქონებაში არსებულ ზოგიერთ (მშენებარე) ფართზე ქალაქ თბილისის მუნიციპალიტეტის სამომავლო საკუთრების უფლების პირდაპირი განკარგვის წესით პრივატიზების საკითხის შეთანხმების თაობაზე

საქართველოს ორგანული კანონის - „ადგილობრივი თვითმმართველობის კოდექსი“ მე-16 მუხლის მე-2 პუნქტის „ბ“ ქვეპუნქტის, 61-ე მუხლის მე-2 პუნქტის, 75-ე მუხლის „დ.ა“ ქვეპუნქტის, 118¹ მუხლის პირველი და მე-3 პუნქტების, „სახელმწიფო ვალის შესახებ“ საქართველოს კანონის 48-ე მუხლის პირველი პუნქტის „ზ“ ქვეპუნქტის, „სახელმწიფო ვალის შესახებ“ საქართველოს კანონით აღიარებულ კოოპერატიულ ბინათმშენებლობასთან დაკავშირებით სახელმწიფოს მიერ აღებული ვალდებულების საკითხის დარეგულირების მიზნით განსახორციელებელ ღონისძიებათა თაობაზე“ საქართველოს მთავრობის 2016 წლის 9 მარტის №419 განკარგულების, „ქ. თბილისის მუნიციპალიტეტის საკუთრებაში არსებული ქონების პირდაპირი განკარგვის ფორმით პრივატიზების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 12 აგვისტოს №21-85 დადგენილებით დამტკიცებული წესის პირველი მუხლის მე-3 პუნქტისა და მე-2 მუხლის პირველი და მე-6 პუნქტების, „კოოპერატიული ბინათმშენებლობის დაუმთავრებლობით წარმოქმნილ საკითხთან დაკავშირებით განსახორციელებელი ღონისძიებათა თაობაზე“ ქალაქ თბილისის მუნიციპალიტეტის 2018 წლის 7 დეკემბრის №18.996.1373 განკარგულების პირველი და მე-3 პუნქტების შესაბამისად, ქალაქ თბილისის მუნიციპალიტეტის საკრებულომ გადაწყვიტა:


1. მიეცეს თანხმობა ქალაქ თბილისის მუნიციპალიტეტის მთავრობას, „ქალაქ თბილისში, არჩილ მეფის №17-ში, №01.10.08.006.230 საკადასტრო კოდით რეგისტრირებულ უძრავ ქონებაში არსებულ ზოგიერთ (მშენებარე) ფართზე ქალაქ თბილისის მუნიციპალიტეტის სამომავლო საკუთრების უფლების პირდაპირი განკარგვის წესით პრივატიზების თაობაზე“ ქალაქ თბილისის მუნიციპალიტეტის მთავრობის 2023 წლის 4 ოქტომბრის №23.1494.1660 განკარგულებით გათვალისწინებული ქ. თბილისში, არჩილ მეფის №17-ში, №01.10.08.006.230 საკადასტრო კოდით რეგისტრირებულ უძრავ ქონებაში, არსებულ ზოგიერთ (მშენებარე) ფართზე ქალაქ

თბილისის მუნიციპალიტეტის სამომავლო საკუთრების უფლების ამ განკარგულების დანართი №1-ით განსაზღვრულ პირთათვის სიმბოლურ თანხად - 1 (ერთი) ლარის ოდენობით, პირდაპირი განკარგვის წესით პრივატიზებაზე, ქალაქ თბილისის მუნიციპალიტეტის მთავრობის აღნიშნული განკარგულების დანართი №2-ით წარმოდგენილი შეთანხმების პირობების შესაბამისად.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64), კანონმდებლობით დადგენილი წესით.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე



ქალაქი თბილისი, არჩილ მეფის N17						
	სახელი / გვარი	პირადი ნომერი	საცხოვრებელი ფართი (კვ.მ.)	მიწის ნაკვეთის წილი - კვ. მ	სართული	საკადასტრო კოდი
1.	ნანა ჯანაშვილი	01030006863	66.90	155.15	სართული 6, ბინა N37, ბლოკი „ბ1“	01.10.08.006.230.02.01.037
2.	მარინე კვარაცხელია	01029017182	63.60	112.52	სართული 2, ბინა N2, ბლოკი „ბ1“	01.10.08.006.230.02.01.002
3.	ნონა გრიგორიანი	FE 875458	66.30	155.15	სართული 5, ბინა N30, ბლოკი „ბ1“	01.10.08.006.230.02.01.030
4.	თეონა ზაკალაშვილი	01022014370	65.70	119.50	სართული 9, ბინა N62, ბლოკი „ბ1“	01.10.08.006.230.02.01.062
5.	ვალერიან ლობჯანიძე	01011003326	59.90	93.09	სართული 4, ბინა N24, ბლოკი „ბ1“	01.10.08.006.230.02.01.024
6.	ვაჟა ფოლადიშვილი	01019045327	39.10	63.10	სართული 7, ბინა N52, ბლოკი „ბ1“	01.10.08.006.230.02.01.052

შეთანხმება

ქალაქ თბილისში, არჩილ მეფის N17-ში, N01.10.08.006.230 საკადასტრო კოდით რეგისტრირებულ უძრავ ქონებაში არსებული (მშენებარე) ფართების, პირდაპირი განკარგვის წესით, პრივატიზების თაობაზე

ქ. თბილისი

2023 წელი

(1) ქალაქ თბილისის მუნიციპალიტეტის მთავრობის სახელით, საჯარო სამართლის იურიდიული პირი - ქონების მართვის სააგენტო, წარმოდგენილი [●] მიერ, (შემდგომში - „სააგენტო“) და

(2) ვაჟა ფოლადიშვილი (პ/ნ 01019045327), ნანა ჯანაშვილი (პ/ნ 01030006863), მარინე კვარაცხელია (პ/ნ 01029017182), ნონა გრიგორიანი (პ/ნ FE 875458), თეონა ზაკალაშვილი (პ/ნ 01022014370) და ვალერიან ლობჯანიძე (პ/ნ 01011003326) - (შემდგომში - „კოოპერატივის წევრები)

(3) შპს „დეკა დეველოპმენტი“ (ს/ნ: 405385925) წარმოდგენილი [●] მიერ (შემდგომში - „კომპანია“)

შემდგომში თითოეული ერთობლივად წოდებული, როგორც „მხარეები“, ხოლო ცალ-ცალკე - „მხარე“;

პრეამბულა

ვინაიდან, „სახელმწიფო ვალის შესახებ“ საქართველოს კანონით აღიარებულ კოოპერატიულ ბინათმშენებლობასთან დაკავშირებით სახელმწიფოს მიერ აღებული ვალდებულების საკითხის დარეგულირების მიზნით განსახორციელებელ ღონისძიებათა თაობაზე“ საქართველოს მთავრობის 2016 წლის 9 მარტის №419 განკარგულების შესაბამისად, ქ. თბილისის მუნიციპალიტეტს (შემდგომში - „მუნიციპალიტეტი“) დაევა, რომ უზრუნველყოს კოოპერატიული ბინათმშენებლობის წევრებისთვის განსაზღვრული უძრავი ქონების სიმბოლურ ფასად საკუთრებაში გადაცემა, მათ მიმართ არსებულ ან შესაძლოდ გამოვლენილ სახელმწიფო საშინაო ვალზე და მასთან დაკავშირებულ სხვა ნებისმიერ უფლებასა და მოთხოვნაზე მათი მხრიდან უარის თქმის სანაცვლოდ;

ვინაიდან, ქალაქ თბილისის მუნიციპალიტეტის მთავრობის 2021 წლის 28 აპრილის N21.536.625 და ქალაქ თბილისის მუნიციპალიტეტის საკრებულოს 2021 წლის 18 მაისის N192 განკარგულებებით მიღებულ იქნა გადაწყვეტილება ქ. თბილისის მუნიციპალიტეტის საკუთრებაში არსებული - ქ. თბილისში, დიდი დიღმის დასახლების მიმდებარედ N01.10.08.006.230 (წინა საკადასტრო კოდები: N01.10.07.007.111; N01.10.08.006.095) (ფართობი - 10 755 კვ.მ) საკადასტრო კოდით რეგისტრირებული მიწის ნაკვეთის კოოპერატივის წევრებისა და შპს „ენსი დეველოპმენტისთვის“ (ს/კ: 405385925) (დღეის მდგომარეობით: შპს „დეკა დეველოპმენტი“ - (ს/ნ: 405385925)) პირდაპირი განკარგვის ფორმით პრივატიზების შესახებ.

ვინაიდან, სააგენტოს, ყოფილი საბინაო-სამშენებლო კოოპერატივის წევრებს/მათ უფლებამონაცვლებსა და კომპანიას შორის 2021 წლის 11 ივნისს გაფორმებული „ქ. თბილისში, საბურთალოს რაიონში (ნაკვეთი 06/095); ქ. თბილისში, არჩილ მეფის ქ. N13-15-ის მიმდებარედ, ქ. თბილისის მუნიციპალიტეტის საკუთრებაში არსებული, N01.10.08.006.230 საკადასტრო კოდით რეგისტრირებული (წინა საკადასტრო კოდი: N01.10.08.006.095; N01.10.07.007.111), 10 755 კვ.მ. ფართობის მიწის ნაკვეთის პირდაპირი განკარგვის ფორმით პრივატიზების შესახებ“ ხელშეკრულების (შემდგომში - „ხელშეკრულება“) 3.2 პუნქტით განისაზღვრა, რომ გადასაცემი საცხოვრებელი ფართის ჯამური ოდენობა შეადგენს 6 100 კვ. მ-ს, საიდანაც 728.057 კვ.მ საცხოვრებელი ფართი გადაეცემა სააგენტოს ან/და სააგენტოს მიერ განსაზღვრულ სხვა პირ(ებ)ს, ხოლო ჯამურად 5371.943 კვ.მ - ამ ხელშეკრულების დანართით განსაზღვრულ კოოპერატივის წევრებს;

ვინაიდან, ხელშეკრულების ფარგლებში, შპს „დეკა დეველოპმენტმა“ მუნიციპალიტეტის სამომავლო საკუთრების უფლების რეგისტრაცია უზრუნველყო 616,9 კვ.მ ფართზე;

ვინაიდან, კოოპერატივის წევრების მიერ, სააგენტოში წარმოდგენილ იქნა განცხადებები, რომლითაც აღნიშნული პირები ადასტურებენ, რომ ქ. თბილისში, არჩილ მეფის ქუჩა, N17 ში, (მიწის კოდი: 01.10.08.006.230) წინამდებარე შეთანხმების დანართით განსაზღვრულ მშენებარე ფართებზე, ქალაქ თბილისის მუნიციპალიტეტის მიერ სამომავლო საკუთრების უფლების გადმოცემის სანაცვლოდ, შემდგომში, 2020 წლის 18 სექტემბრიდან 2020 წლის 16 ოქტომბრის ჩათვლით, ქალაქ თბილისის ოფიციალური ვებ-გვერდის (www.tbilisi.gov.ge) საშუალებით გამოცხადებულ ინტერესთა გამოხატვის პირობების შესაბამისად, მიწის ნაკვეთზე სამშენებლო პროექტის განმახორციელებელი კომპანიის მიერ ამავე ფართის მშენებლობა დასრულებული მდგომარეობით საკუთრებაში გადმოცემის შესაძლებლობის გათვალისწინებითა და შესაბამისი ხელშეკრულებ(ებ)ის გაფორმების პირობით, უარს აცხადებენ მათ მიმართ არსებულ ან შესაძლოდ გამოვლენილ სახელმწიფო საშინაო ვალზე და მასთან დაკავშირებულ სხვა ნებისმიერ უფლებასა და მოთხოვნაზე.

ყოველივე ზემოაღნიშნულიდან გამომდინარე და ქალაქ თბილისის მუნიციპალიტეტის მთავრობის 2023 წლის აგვისტოს N განკარგულებისა და ქალაქ თბილისის მუნიციპალიტეტის საკრებულოს 2023 წლის სექტემბრის N განკარგულების საფუძველზე,

მხარეები ვთანხმდებიან, რომ დავდოთ წინამდებარე შეთანხმება (შემდგომში - „შეთანხმება“):

1. შეთანხმების საგანი და მოქმედების სფერო

1.1 მხარეები ვთანხმდებიან, რომ მუნიციპალიტეტი წინამდებარე შეთანხმების დანართით განსაზღვრულ შესაბამის მშენებარე ფართებზე სამომავლო საკუთრების უფლებას, ამ შეთანხმებითა და ზემოაღნიშნული ხელშეკრულებით განსაზღვრული პირობებით, გადასცემს ამავე დანართით განსაზღვრულ შესაბამის კოოპერატივის წევრებს.

1.2 წინამდებარე შეთანხმებაზე ხელმოწერითა და ამ შეთანხმების დანართით განსაზღვრულ მშენებარე ფართებზე სამომავლო საკუთრების უფლების რეგისტრაციით, ამავე დანართით გათვალისწინებულ კოოპერატივის წევრებს სრულად გადაეცემათ

ხელშეკრულებით კოოპერატივის წევრებისათვის განსაზღვრული შესაბამისი უფლებები და ვალდებულებები, ამ შეთანხმებით განსაზღვრული უძრავი ქონების ნაწილში.

1.3 მხარეთა შორის ამ შეთანხმების დანართით გათვალისწინებულ შესაბამის უძრავ ქონებასთან დაკავშირებით, პირობები, რომელიც არ რეგულირდება ამ შეთანხმებით, რეგულირდება ხელშეკრულებით.

1.4 ყოველგვარი ბუნდოვანების აღმოფხვრის მიზნით, მხარეები ადასტურებენ, რომ წინამდებარე შეთანხმებასა და ხელშეკრულებას შორის ნებისმიერი წინააღმდეგობის შემთხვევაში, უპირატესობა მიენიჭება ამ შეთანხმების პირობებს.

2. საპრივატიზებო საფასური და პირობები

2.1. ამ შეთანხმების დანართით გათვალისწინებული შესაბამისი უძრავი ქონების სამომავლო საკუთრების უფლებით მიღების სანაცვლოდ, შესაბამისი კოოპერატივის წევრები სრულად ამბობენ უარს მათ მიმართ არსებულ ან შესაძლოდ გამოვლენილ სახელმწიფო საშინაო ვალზე და მასთან დაკავშირებულ სხვა ნებისმიერ უფლებაზე, მოთხოვნაზე, ინტერესსა ან/და პრეტენზიაზე საქართველოს სახელმწიფოს, ქალაქ თბილისის მუნიციპალიტეტის (სააგენტოს) ან/და მათი ნებისმიერი ორგანოს წინაშე.

2.2. კოოპერატივის წევრებს ამ შეთანხმების დანართით განსაზღვრული უძრავი ქონება გადაეცემათ სიმბოლურ ფასად, 1 (ერთი) ლარად (შემდგომში - „საპრივატიზებო საფასური“). კოოპერატივის წევრების მიერ საპრივატიზებო საფასური გადახდილ უნდა იქნას ამ შეთანხმების გაფორმებიდან არაუგვიანეს 10 (ათი) დღის ვადაში, უნაღდო ანგარიშსწორების ფორმით, შემდეგ საბანკო ანგარიშზე ჩარიცხვის გზით:

მიმღები: სახელმწიფო ხაზინა TRESGE22

სახაზინო კოდი: 300773306

დანიშნულება: ქ. თბილისის მუნიციპალიტეტის საკუთრებაში არსებული შენობების გაყიდვიდან

2.3. ამ შეთანხმების 2.2 პუნქტით გათვალისწინებული საპრივატიზებო საფასურის გადახდის შემდეგ, სააგენტო გასცემს სამომავლო საკუთრების უფლების გადაცემის დამადასტურებელ მოწმობას მოქმედი კანონმდებლობით გათვალისწინებულ ვადებში და წესით.

3. მხარეთა განცხადებები

3.1 სააგენტო აცხადებს და ადასტურებს, რომ ამ შეთანხმებით გათვალისწინებულ უძრავი ქონებაზე, ხელშეკრულების დადების მომენტისთვის, რეგისტრირებულია ქალაქ თბილისის მუნიციპალიტეტის სამომავლო საკუთრების უფლება. აღნიშნული ქონება, უფლებრივად უნაკლოა, არ არის იპოთეკით დატვირთული და არ არის დაყადაღებული.

3.2 კომპანია აცხადებს და ადასტურებს, რომ ჯეროვნად და კეთილსინდისიერად შეასრულებს კოოპერატივის წევრების მიმართ ამ შეთანხმებითა და ხელშეკრულებებით გათვალისწინებულ ვალდებულებებს;

3.3 კოოპერატივის წევრები აცხადებენ და ადასტურებენ რომ შეთანხმების დანართში მითითებულ პირებს, მათ უფლებამონაცვლეებს, მარწმუნებლებს, წარმომადგენლებს ან/და მათი სახელით სხვა პირებს სახელმწიფო ან/და ადგილობრივი თვითმმართველობის ორგანოებისგან, მათ შორის, სასამართლო გადაწყვეტილების საფუძველზე, არ მიუღიათ არანაირი უძრავი ქონება, მატერიალური ან/და არამატერიალური ქონებრივი სიკეთე,

ფულადი თანხა და ა. შ, შესაბამისი სახელმწიფო საშინაო ვალის/კოოპერატიული ბინის სანაცვლოდ ან/და მისგან გამომდინარე.

3.4 კოოპერატივის წევრები აცხადებენ და ადასტურებენ, რომ ამ შეთანხმების გაფორმების მომენტში, დანართში მითითებული ყველა პირი ნამდვილად წარმოადგენს N633 ყოფილი საბინაო-სამშენებლო კოოპერატივის წევრს ან/და წევრის უფლებამონაცვლეს და არ არსებობენ მესამე პირები, რომელთაც აღნიშნულთან დაკავშირებით, მათ მიმართ აქვთ პრეტენზია ან/და მოთხოვნის უფლება.

3.5 კოოპერატივის წევრები ადასტურებენ, რომ ამ შეთანხმების და ხელშეკრულების ფარგლებში, მათ მიმართ სააგენტოს ერთადერთ ვალდებულებას წარმოადგენს შეთანხმების დანართით განსაზღვრულ უძრავ ქონებაზე სამომავლო საკუთრების უფლების გადაცემა ამ შეთანხმების პირველი პუნქტის შესაბამისად. აღნიშნულთან დაკავშირებით, კოოპერატივის წევრებს არ აქვთ და არ წარმოეშობათ რაიმე სახის უფლება, მოთხოვნა, ინტერესი ან/და პრეტენზია საქართველოს სახელმწიფოს, ქალაქ თბილისის მუნიციპალიტეტის (სააგენტოს) ან/და მათი ნებისმიერი ორგანოს მიმართ.

3.6 კოოპერატივის წევრები ადასტურებენ, რომ მათთვის ცნობილია ამ შეთანხმების საფუძველზე გადასაცემი უძრავი ქონების უფლებრივი და ფაქტობრივი მდგომარეობა, მათ შორის, მისი მშენებარე სტატუსი, ხარისხი, მახასიათებლები, სავარაუდო ღირებულება და აღნიშნულთან დაკავშირებით არ გააჩნიათ არანაირი პრეტენზია (მათ შორის იმ შემთხვევაშიც, თუ უძრავი ქონების (სავარაუდო) ღირებულება ნაკლებია შესაბამისი სახელმწიფო საშინაო ვალის / კოოპერატიული ბინის (სავარაუდო) ღირებულებაზე.

3.7 კოოპერატივის წევრები ადასტურებენ რომ გაეცნენ ხელშეკრულებით გათვალისწინებულ პირობებს, კოოპერატივის წევრების უფლებებსა და მოვალეობებს სრულად და აცხადებენ თანხმობას, რომ მიიღონ ხელშეკრულებით კოოპერატივის წევრებისთვის განსაზღვრული ყველა შესაბამისი უფლება და შეასრულონ ყველა ვალდებულება, ამ შეთანხმებით განსაზღვრული შესაბამისი ქონების ნაწილში.

3.8 ამ შეთანხმებით განსაზღვრული უფლებების და ვალდებულებების მესამე პირებზე გადაცემის შემთხვევაში, მესამე პირს გადაეცემა ამ შეთანხმებით გათვალისწინებული ყველა შესაბამისი უფლება და ვალდებულება.

4. მხარეთა პასუხისმგებლობა და ხელშეკრულების შეწყვეტა

4.1. საპრივატიზებო საფასურის გადახდის ვალდებულების შეუსრულებლობის ან შესრულების ვადის დარღვევის შემთხვევაში, პირგასამტეხლო განისაზღვრება გადაუხდელი თანხის 0,1%-ის ოდენობით დარღვევის დღიდან ყოველ გადაგადაცდილებულ დღეზე, მაგრამ არანაკლებ 5 (ხუთი) ლარისა. პირგასამტეხლოს დარიცხვა გაგრძელდება საპრივატიზებო საფასურის გადასახდელი ნაწილის სრულად გადახდამდე ან სააგენტოს მიერ ხელშეკრულების 4.7 პუნქტის შესაბამისად ხელშეკრულების ცალმხრივად მოშლამდე, იმის მიხედვით რომელი გარემოებაც დადგება უფრო ადრე.

4.2. პირგასამტეხლოს გადახდა უნდა განხორციელდეს თანხის შემდეგ ანგარიშზე ჩარიცხვით:

მიმღები სახელმწიფო ხაზინა: TRESGE22

სახაზინო კოდი: 300773287

დანიშნულება: შემოსავალი ხელშეკრულების პირობების დარღვევის გამო დაკისრებული პირგასამტეხლოდან.

4.3. ამ შეთანხმების შეწყვეტისა და შეწყვეტის შედეგების მიმართ გამოიყენება ხელშეკრულებით დადგენილი რეგულაციები.

4.4. შეთანხმების შეწყვეტის შემთხვევაში, სააგენტოს არ დაეკისრება საპრივატიზებო პირობის ან/და ამ შეთანხმებით/ხელშეკრულებით განსაზღვრული სხვა ვალდებულებების შესრულებასთან დაკავშირებით მხარეთა მიერ გადახდილი თანხებისა და გაწეული ხარჯების ანაზღაურების ვალდებულება.

5. გარდამავალი დებულებები

5.1. წინამდებარე შეთანხმება ძალაში შედის მისი ხელმოწერისთანავე. იგი წარმოადგენს ხელშეკრულების განუყოფელ ნაწილს და ექვემდებარება სსიპ - საჯარო რეესტრის ეროვნულ სააგენტოში რეგისტრაციას. ყოველგვარი ეჭვის გამოსარიცხად, არსებობის შემთხვევაში, ამ შეთანხმების რეგისტრაციასთან დაკავშირებული (მათ შორის, სანოტარო მომსახურების) ხარჯების გადახდას უზრუნველყოფენ შესაბამისი კოოპერატივის წევრები.

5.2. წინამდებარე შეთანხმება დადებულია, რეგულირდება და განიმარტება საქართველოს კანონმდებლობის შესაბამისად.

5.3. წინამდებარე შეთანხმებიდან გამომდინარე ან/და მასთან დაკავშირებით წარმოშობილი დავა გადაწყდება საქართველოს სასამართლოების მიერ, საქართველოს კანონმდებლობის შესაბამისად.

5.4. შეთანხმება შედგენილია --- თანაბარი იურიდიული ძალის მქონე ეგზემპლარად, რომელთაგან ერთი წარედგინება სსიპ - საჯარო რეესტრის ეროვნულ სააგენტოს, ხოლო თითო ეგზემპლარი გადაეცემათ მხარეებს.

ქალაქი თბილისი, არჩილ მეფის N17

	სახელი / გვარი	პირადი ნომერი	საცხოვრე ბელი ფართი (კვ.მ.)	მიწის ნაკვეთის წილი - კვ. მ	სართული	საკადასტრო კოდი
1.	ნანა ჯანაშვილი	01030006863	66.90	155.15	სართული 6, ბინა N37, ბლოკი „ბ1“	01.10.08.006.230.02.01.037
2.	მარინე კვარაცხელია	01029017182	63.60	112.52	სართული 2, ბინა N2, ბლოკი „ბ1“	01.10.08.006.230.02.01.002
3.	ნონა გრიგორიანი	FE 875458	66.30	155.15	სართული 5, ბინა N30, ბლოკი „ბ1“	01.10.08.006.230.02.01.030
4.	თეონა ზაკალაშვილი	01022014370	65.70	119.50	სართული 9, ბინა N62, ბლოკი „ბ1“	01.10.08.006.230.02.01.062
5.	ვალერიან ლობჯანიძე	01011003326	59.90	93.09	სართული 4, ბინა N24, ბლოკი „ბ1“	01.10.08.006.230.02.01.024
6.	ვაჟა ფოლადიშვილი	01019045327	39.10	63.10	სართული 7, ბინა N52, ბლოკი „ბ1“	01.10.08.006.230.02.01.052

მხარეთა ხელმოწერები:

ქ. თბილისის მუნიციპალიტეტის სსიპ ქონების მართვის სააგენტო

კოოპერატივის წევრები

შპს „დეკა დეველოპმენტი“ (ს/ნ: 405385925)